

沈乃文 主編

明別集叢刊 第一輯

第六十二冊

黃山書社




沈乃文 主編

明別集叢刊 第一輯

第六十二冊

黃山書社



(明) 文林 撰

文溫洲集十二卷

明刻本

奉

天承運

皇帝勅曰國之大事在乎兵戎而兵戎所資尤以馬畜爲重肆國家于兩京並設太僕寺官專理其事蓋視其馬之蓄息則其人之勤能可知矣爾南京太僕寺寺丞文林登名黃甲出華花封惠政已見于去思能聲益著于今職巡行列郡不憚乎勞賢建白有章克盡乎忠益殿既考最宜用推恩茲特進爾階承德郎錫命以爲爾榮夫慎簡乃僚周書具載僕臣所繫豈特馬畜而已惟竭奮揚之才尚煩旌擢之命欽哉

初任浙江溫州府永嘉縣知縣

二任山東東昌府博平縣知縣

溫州集卷一

三 任

今

職

勅命

弘治二年七月初四日

之寶

文溫州集目錄

卷之一 古今詩

詩

卷之二

交游倡和諸公之作並附

詩

卷之三

奏議

卷之四

奏議

卷之五

奏議

卷之六

溫州集卷一

書

卷之七

公移

卷之八

記序

卷之九

墓誌墓表

卷之十

祭文哀辭

卷之十一

雜著

卷之十二

附錄

文溫州集卷之一

古今詩一百三十六首

中順大夫浙江溫州府知府文林宗儒

冬日感興

落木園林空方池水溪碧物色垂簷清湛然屏人跡
扶藜撫孤松頂坐松下石西山入懷青寒鳥欲歸翮
浩浩宇宙間流光自相迫大化豈有終初陽潛地脉

送秦良翰

有客出長安黃埃淪烏幘四月天氣寒涼風遍郊澤
堤柳積重陰鴛鳴度璫席念子歸故鄉翳懷余惻惻
吳山高颯峨吳水清且碧孤松白雲開涼露翠欲滴
天光發宇宙盤桓竟朝夕北溟有巨魚千年養鵬翮
風微海不運終與南溟隔豈比鷁鷁翔去止無所擇
溫州集卷一

永嘉縣齋寫懷

墨綬垂青絲銅符寵郎秩駕言謝朝行出領滄海邑
脉脉辭親知依依去鄉國漸行僅千里已在東南僻
地遠煩刑誅年貧正艱食自顧書生愚嚙嚙付休戚
流移已懷慚征歛况余職平生跌宕懷雅志山水適
及此東嘉遊清真信靈域豈無康樂情坐有民社責
欽板事承迎鉤稽困文籍拂意不能歸自愧陶彭澤
別袁太平德純

南國有畸人月恒與之俱雲裳幻蘭茝飄凌堪與
好修去凡近言嘗遊舜都道路坦不遐太上遺廣居

悠然入燕息煩病條往除顏茲歷復佳壑溺誰與扶
紆轡東海濱荆棘交長途我輶幾不復正立長嗟吁
長波溺砥柱珉重無璠璣浮名同野馬造化惟吾徒
言既別我去明月升天衢寥廓港虛寂令人增秋歎
郡檄督泰順銀課

暑月使泰順清晨備結束僕夫艱負戴與馬苦踟躕
複嶺迴岡山勢多起伏升高如梯雲或下入深谷
或坦如周行或輪如鉤曲幽州不辨名巖花競紅綠
陰溪霧不消慘澹雲相逐緣山壘后田絕綽綽茅屋
雲開覩鷄犬依然自耕牧聖朝奄九有此地本蠻族
近年亦貢金國用豈不足山人走相訴連歲苦不
熟宿逋未能償新欠已相續昨日賣一男今併妻女
溫州集卷一

萬盡斷骨肉恩不救誅求酷我意山中幽誅茅思卜
築聞此重感傷書生真竊祿安得乞身歸免食饑民
內

博平春半述懷

土城半額人十戶月出無烟望多樹樹枯自念天正
寒雪消忽計春將暮却憐青帝亦世情可奈東風不
相顧野老立庭言貌古湯呼爾汝忘官府府牒聯翩
呵不辦從吏木僵心益苦直性不揖替郵怒獨抱瑤
琴調鶴舞平生肯落塵網牽居然朗誦逍遙篇天地
造化一爐冶萬物錯錯猶銅鉛嫫嫫施朱西子醜松
柏點澹樵李鮮浮名富貴聊爾耳有酒北牕高枕眠
不能作書上宰相不能內徙如登僊不能飽和淵明

詩不能遺愛受一錢簿書往復祇押字官舍閒癖堪
逸憚饑民且勿向我泣我不謀遷歛爾急今年莫怨
役不均新來縣官難處分

洗堂雨歌

吾儂作縣太認真元空常類木偶人事來面前得喜
怒學跡心上迷經綸春冬苦旱半年急晝夜裏熱雙
眉翠幾回豐隆點欲滴展轉風伯晴揚塵欲扳北斗
傾海水竟無馬鬣翻天津天關謹鑰叩不應神龍插
項撼莫伸瘼兒盡心了公事吾知作堂安吾身衆謂
堂成必有雨我言欲雨堂何補人心能致天地位民
力偏嫌木秋苦堂完二月三十晚星潢昭回爛天宇
曉起梳頭郊謁神旭日將昇光焰吐南雲如墨來氤
氲頃臾雨脚從繽紛簷溜淙淙石渠響草痕細細土
階紋歡騰道上萬民遍愁濕枝頭百鳥羣我堂塵尾
淨於洗我心清涼如飲水太空冥冥豈有私陰晴不
足人悲喜董奉屋成雨自暮吾道非仙何並數鳴乎
堂完民逸喜雨來豈謂斯堂能致雨

飲馬長城窟

飲馬長城窟馬嘶嘶翹首下馬獨沉吟骸骨盈隴畝
長城固未頽秦王身已灰徒思萬萬世空訪神仙回
一夫怒攘臂子嬰首先繫胡人竟不來智慮徒自備
堯舜已云邈夷齊不再生籍籍天壤內千種萬古名
淒風起蒺末落日淡荒渚悠悠行路心默默向誰語
張憲副山水障子

山高出雲在平地千村萬落連春水乾坤氤氲元氣
濕江湖滿地流瀾瀾糝糊雜樹綠滿眼毫末開花紅
半壘忽見芳洲草際間激露樓臺烟雨裏山家茅屋
晝不關背喧高閣深仄間山人對坐奕不語客載小
舟何時還斜橋引出瀼西路歌呀直抵涇南渡開圍
恍入洞遶遊又似天台靈隱去耳邊汨汨聞溪聲堂
上真疑結嵐霧蓬萊閣苑想在此青鞋布襪宜相顧
試問神仙結遊伴却我冠裳塵土滿幾時置我圖畫
中還似神仙更蕭散

歲晚滁易官舍書事

地僻無俗擾官閒有餘歡焚香對書几紅日上琅玕
造化妙發育湛寤斯本原日月自盈虧四時同一元
業脫辭故枝蘊畜生意繁屈伸無停機福禍相循環
世道若繪事五色綴爛斑青山默無語流水空潺湲
窓下且獨酌春意回衰顏

龍池篇

滁陽栢子潭相傳有龍居之神祖側微時嘗有
所親既即位禱雨有應親爲文祭之建閣潭上下
爲兩隧道甃砌甚工比歲傾圯殆盡惟宸碑猶
存

澄潭有龍山之阿靈壇石觀空嗟峨畫梁朱拱沉草
莽竊碑宸翰牽藤蘿堊老當前訴纖悉舉手贊揚
還指畫神祖側微聽配天鬼神呵護山爲宅潭
之五龍若參馴往來參謁朝以夕若願奮翬蕩腥腥

若兆 聖躬膺寶曆 聖心默識如諦盟從茲一逆

先南征羣賊烟消勝國平蠻夷率服 皇風清洪武

丁卯夏亢旱金流石爍烈焰生九重深恤生民隱靡

神不索心恒營舊時神物忽記憶命官詔諭撫精誠

霎時片雲掩九有雷轟電掣天晦冥甘霖萬里盡沾

足點黎同口稱 王明親勞 聖製下丹陛文光上

射牛斗攝大官迢遙致牲醴有司難選爭趨迎司空

代木衡陽濱五丁鎚嶂荃荆葵丹楓翠栢湧勝翠琳

宮貝闕高崢嶸上阜崔嵬下隄道池中虛敞旁簷拊

閣道縈紆圍一水巉巖削平餘十里蓬萊修忽降塵

凡金碧參差照巖岷雲飛冥冥山鬼藏靈風颯颯生

祥光年年所報馳村叟虔虔靈氣熟稻梁春風三月

嗽喫青遊人布武看花行椎牲載酒動綺席吹笙擊

鼓娛神靈只今棄背才數載眼見韶華頓更改牛羊

歸盡夕陽多對此令人增感慨我聞此言心慘悽神

物感遇亦有時吁嗟榮耀有終期長歌激烈青山悲

首夏齋居即事三首

幽齋坐纖雨綠樹綠周垣青山在屋上好鳥如晤言

一官居野寺性本愛丘園松花飽日夕沆瀣供朝飧

遊神羲皇上形槁心獨存緇塵暗岐路吾方掩柴門

其二

孟夏日已永蘊袍寒未更頽陰蔽白日零雨久未晴

麥苗漸不實惡州爭敷榮大化不可竟濁醪還自傾

其三

乳雅何賂賂燕語何喃喃微物染化機張皇性所甘

大造醞醇醪羣動每沉酣人夢復言夢扁視恒耽耽

昨日提李花今朝葉耗耗世事即瀚海蕩蕩不可探

感歎方自此高詠望江南

夏夜露坐

新暑夜不寐披衣坐中庭山溪絕更漏高閣度流螢

愁未忽俛首仰見河漢熒牛女若有言導我登茯苓

簪耳非不樂老壯恐彫零

自警

為學知句讀碌碌未聞道羣居坐數數進止常倨傲

言悖無不讐德涼無不報固自防有患決去力未到

衆中植長老直斥曰浮躁爾汝本羞惡自取何足悼

尚欣學可進有過人直告再拜靡不承云胡不慙慙

勉旃自今日慎毋受嫉媚

贈金相士

相馬相骨不相肉相人相形還相心相肉失驥驥相

形昧孔壬舜瞳胡為同項羽虎貌焉得似尼父瞋壽

不仁回歿而紀景公非富夷齊非貧糴當富貴負旦

乘何如貧賤陋吾形天生爾目攻隱微相形須相心

勿違勘磨直欲入幽暗告人禍福先心機我貌不揚

我心多非謂當久貴非吾祈官聞為樂不可極祿厚

知負常懷歸送子出山天杳杳長松獨鶴揜荆扉

次韻呂柔之郊居

山中少過客白日長揜門落葉辭故枝西風滿丘園

瞻彼灰豆架蕭疎霜亦繁實已歛余篋種種粒不畧
株拔絕荒穢生意固自存春來土膏潤播爾力不煩
一本復萬有大造無私恩靜以觀物理香不與世喧
貞爲事物翰復乃天地根脫落閭闔機玄矣難爲言
送秉之

南丞太僕官野寺深沒翠微背城治重岡籬落散茅
茨曲徑藤條穿棘刺僚長月餘見忽散簿書吏擲呼
押字庸人冥契山水間佳興肯厭官職閒豺狼怒噬
書上座歲丁未有狼由寺前入思咄咄門常關君
時傳呼入叅佐望然空谷喜無那遙遙丙午冬十月
一見傾倒已默荷懷懷鄉語恰吳音耿耿忠懷微楚
些風緊遙承宋呂誨筆力遠軼唐李賀才高長慨量

溫州集卷一

可俯詩成不鄙我亦和開筵俎豆春風迴論事斧鉞
嚴霜摧豐樂亭開發曠遠崕岓路迥登崔嵬援我着
屐陟峰頂許我醉眠今礪隈剖我懷抱解我圍祛我
迫隘植我頽高堂揖讓阻詩譴羣僚集相徘徊乃
知人侮必自侮我惟戚戚君慨慨長卿哭毋君代署
門境清嚴吏人懼位崇體悉延民艱地曠手栽百行
樹爬梳民隱正吏權一疏上允恩蕃宣宿樊風聞
似拉朽庶政蠲舉猶烹鮮畿甸千里江南北塗炭百
年民蘇息吏閒處處省誅求土瘠年年穀衣食積德
冥冥君自汲彼氓何知我默識兩意沉酣交甚坦三
載勤勞君修滿我昔以君雷至今君今去余莫余飽
枯酒長歌風日寒空山人遠欲別離北望遙遙心斷

絕夢寃昨夜到長安

家居小樓會客今得足字

宦游本夙好負病賦馳逐毘勉歸故園勸鳥今止宿
朋舊月一飲輪我會再續布韋偕縉紳班坐人五六
摘疏疲猶鮮漉酒冬已熨薄言燕樓居飽豈在梁肉
白雲墮書几鳴鳥隔林屋過雨阻新暑首夏氣清游
及茲風日佳泥飲勿辭豆

和唐寅白髮

氣羸髮先改五十頭盡雪豈無年差長美覺翼如涅
顏頰詎足嘆樹立恐中折服善死所甘僥枉生亦竊
葉脫根株固貞元難遽絕天地閔殺機與奪誰窮詰
鏗壽今亦亡回苑有餘烈數命人人殊疾徐付甘節

溫州集卷一

大冶範我形堅脆任生滅

與二弟汎舟遊吳氏東莊因寄範翁

緣城眇流水榆柳綠蔭門藏舟信登陟忽得吳公園
小亭面高岡蘿徑隱可捫青山出墻頭白雲宿籬根
歌駕帶池曲遊魚戲波渾繁景當首夏過雨氣微溫
老我獨已樂偕有弟與昆清唱散林木起行歷郊原
日斜亂人影眷戀忘歸轅水木余夙好况茲故情敦
主人方宦達樂事誰與論室邇人則遐相思黯銷魂
出處各有會一咲覆餘樽

二檜

去年得檜龍骨立今年得檜雷斧劃二檜相當較淺
深我解歷年皆過百一檜風雨鱗甲動一檜雪霜

髭鬚落雨健將欲鬪未鬪髭鬚戟孔明老柏
大難用玉晨左紐顧何益何如二龍宜矮屋就束甘
卑鎖歡懌既不思致廟廊求又不思避樵斧索苦心
何曾飽饑餓元氣常盈歛只尺有如二子以首陽木
僵久與繁華隔心符操似地復同奚必操戈自相隙
怡然復好息戰爭老夫毅然飲血盟鳴琴中坐調雙
清好風颭颭秋月明

除溫自歎

富貴陌上塵流光倏更謝大治百年內驅馳等郵舍
解組未五十衰貌已堪咤連亡更七稔頃髮益變化
守溫沐嘉寵促行不少借老骨折難忍遭列司
罵酒困寢方熟叱起受鞭駕孀嬬甘苦單而乃策之

溫州集卷一

嫁傍徨復傍徨何當返耕稼

戊午春將赴溫州楊君謙禮部邀餞於虎丘同

集者沈啟南韓克贊二老復巾杖簪韓從子壽

椿與朱性甫青袍方巾唐子畏徐昌國並舉了

巾服而余與君謙獨紗帽相對會凡八人人各

爲侶適山類不雜

鳥歌當離筵東風逗微雨會合飲中懷兩兩各相侶

二老行紆徐二妙足高舉儒袍聯魯生烏紗對賓主

酒半散林壑尋詩鏤肝腑詞鋒挽落暉酣戰走旁午

冥搜隘八極光燭互吞吐珠璣落吾手拾襲誰敢

悠悠大塊內何物不參伍嗟余獨行邁棄斥無所與

後十日啓南復邀餞於君謙之南峰草堂

臘日進方舟賓朋試春服青山載遠途清溪掄林出
登山謁高人華屋枕脩簾松竹羅庭除白雲墮牀褥
天嚮石作屏古殿苔窻綠振振關西子久已在空谷
欲從卧十年稍爲脫凡俗胡爲落塵網行役苦疾速
祖筵徒自珍絃歌鎖悲促躊躇不能忘便擬爇下宿

七里隆

青山慄吾意舟子莫余違言茲隆中遊兀坐敞蓬扉
須臾來萬狀雲水鎖依依儼居方池中四面羃翠幃
偃仰斷且竄高下墮還飛掉天蔽星斗伏地堪漁磯
平平羅口蒸整整列鼓旗大將坐橫劍萬馬紛而馳
呀然散不收忽合如長圍如竹圖畫中而罔筆墨畦
平生跌宕懷老大立空姿不圖行役地乃與勝境期

溫州集卷一

惜哉南山人安得久於斯

金華道中風雨憶故妻

感昔年少壯挈家來宦遊官卑無館傳六口聚巴丹
時時閑淺灘亂石雷聲作到縣祿不給送妻還故州
廿載復經行白髮放滿頭清溪不改故官舸乘中流
懷人渺何許墓木空山秋嘆息淚盈把促促生煩憂

觀射

爽氣襲重袍委巷露凝濕新星擗老翰灰夢互纏緝
小山繞民居流泉俯堪拾佳氣逼畸人不覺滯城邑
青衿分道長射圃導余入古禮捐之久孔聖既嗟及
小子何爲者率爾敢效習

講其山一名集教山縣山莊歲歲也

疎林澹寒烟綠條綴荒僻肩輿陟峻坂疲蕭心戰慄
高城落海際大江纏塹碧崖嵌謝岩書水溢謝池石
若人去絲邈千載寓奇跡慚余繼遠塵才難濟饑溺
名位漸卑亞奚以婉美績頽風日滋募孱弱懷促迫
晨昏塞案牘罔敢踐疎逸小構積穀願言裕民食
良疇四望平羣山翅几席農事在勸懲遊觀本何益
短些起靈運聊爾詠朝夕

卻留

吾什試海郡得言極民罷紀綱未周恣彈章出南司
辭簡擊尤切謂余身不持吾知久狂率貪墨就書詩
所以久辭祿七載卧茆茨科頭躬耒耜散釣野水湄
出守非余好懇疏不得辭攢眉出北莊不挾妻與兒

溫州集卷一

溫州集卷一

二

僥首徇法制羔豚謁故知老拙苦期會勤勞寧憚癡
執獨未能念微歛復不慈回憶康濟心迫絕艱以施
上下兩相負歸計旦暮馳疏災劾臣致莫得流荒涯
言在莫爲達傍徨病益衰幸際言路開所効同我私
遽此當放逐歸去甘如飴春山潤膏雨春風暢枯枝
開籠出孤鶴冲天那復追相如懷和聲碎擊終無毗
溫民勿挽番代我必勝而

感懷

是歲成化癸巳

家室倉皇付草萊含情自下讀書臺不知滿地梅花
落又見東風燕子來六尺微軀何處着百年笑口幾
時開寂憐門外青松樹盡是兒時手自栽

永嘉墨池廟

祀王內史羲之

墨花冉冉沁清渠珍重當時內史居總道才名無可
尚豈知遊戲是其餘荒祠久系東嘉愛信史猶傳北
伐書一瓣心香千載意靈風渺渺送雲車

喜桑民懌至自吳門

奔走卑官歲再更江湖偏重別離情逢君怒罵爲知
已顧我摧頽負此生細雨燈花銷午夜青山詩思繞
孤城自慚不是臨邛令潦到安能重長卿

溪行

窈窕入迴溪春溪花片稀絕灘魚送上掠艸燕低飛
雲欽樹初出水窮山復圍仙源不知處獨棹小船歸
入雁蕩

山深斷車馬雞犬亦蕭疎

溫州集卷一

三

板援絕鳥道宛轉得僧廬不覺凌絕頂身寒雲滿裾
妻兄祁元吉爲余攜家累還吳

西望吳門半月程東風江上片帆輕還家依舊貧妻
子知已平生外弟兄越嶺雨多宜避瘴武林人轉早
回聲白雲欽盡春城暮渺渺晴空一雁橫

清河道中

畏懷常只抱書眠卻醉多因惜俸錢落魄乾坤愁裏
髻驅馳南北夢中季長河落日孤舟外斷岸春風埜
州邊衮衮天機山滿眼棹歌一曲破蒼烟

北行舟中晚興二首

月上遙天暝風來野水清片帆飛鳥疾獨坐看雲生
在客夜偏冷思親夢亦驚青春空有待白髮已無情

日落天半赤草枯山不青窮途宦情薄獨旅魂醒
違絕故鄉月驅馳蓬髮星乾坤空納納搔手倚寒屏

泰安靈巖寺

匹馬強支持長途入翠微山高日初上秋老對還稀
門外一溪隔人間萬事非虛堂雲卧冷似醉未能歸

泰山

自是乾坤真氣象不同蜀道苦巖巖俯瞰萬象沉蒼
莽頓覺一身陵太虛秦帝何勞留玉檢山靈應自笑
天書徘徊絕頂不能去日照觀頭上居

博平赴召贈交代王明府

博平新尹莫憂難我是當時舊長官事簡鳴琴還有
暇民貧施政合從寬桑麻四野雨常足桃李滿蹊春

溫州集卷一

不寒百里星郎無謂遠治聲十日到長安

滁陽閒居

一命南來得馬曹十年壯志靜中消長閒祗樂得春
睡酷熱還思博早朝官在溪山猶獨鶴身離枳棘即
層霄醉翁亭下行歌晚月照肩與歸路遙

醉翁亭

翼翼丘亭倚礪濱亭前草樹澗前雲西南正據岬岬
勝今古難刊六一文客散依然禽鳥樂山空獨有水
泉聞蒼顏白髮聊能醉不是當時舊使君

官舍自詠

公第城南寺雲房松外居樵山知藥州引水得溪魚
身病難供世官閒欲著書客來問生事短褐課犁鋤

傅僉憲希說過飲寺中

官舍迴溪野寺深漫勞車馬駐雲林高懷解脫公家
事樽酒都傾物外心五月寒生高閣晚半山青落小
庭陰醉翁已往泉聲在願譜新吟托素琴

全耕

禾黍高低十里青淡烟一抹裹郵亭類城遙落遠山
阜荒市中分野水汀喜有民風皆閭閻賴無公事得
醒醒六朝爭戰餘丘隴目斷江天虛翠屏

淮陽道中

依依郊野積陰濃物色光含造化工水足秋田淨
綠春歸柳市隱殘紅澤雷晴飲千山雨溪路吹寒五
月風回首鄉關天整隔欲舒雙翅附冥鴻

溫州集卷一

邳州阻風有懷二弟

風激斜塘河水立雲連落日楚山橫孤舟夢覺吟春
草獨夜愁并泣紫荊別後知吾身尚健老來喜爾學
垂成傳家事業青雲在看取同登萬里程

舊硯寄宗嚴

壬辰歲余試禮部杜用嘉先生以小端硯相贈其
唇有竅可以引繩携持自銘其陰為余廷對之
兆是歲果忝進士携硯入對大廷及今丁未
十又六年矣宗嚴弟復試禮部遂以付之并寄此

詩期

廷對之後轉以付宗質云

短硯稜稜紫玉膚杜陵投贈手親割曾携對策朝
金闕還擬傳家代玉符兄弟登庸輪及爾子孫發軔

計同吾殷勤付去傳臆後轉與三郎入仕途

雲桑茶

山僧焙而藏之其味甚清

僊家白石煮為糧僧摘野茶如小桑餅作鳳團烹蟹
眼路經龍窠遠羊腸飲銷凡骨雲生腋夢覺清風月
在房雙井劍溪還勝負當年陸羽未曾嘗

茆山

地肺神仙宅陶公亦舊遊洞陰雲晝合澗綠水春流
多病思丹井虛名感畫牛歸途向城市回首思悠悠

冶父寺

暑伏僧房枕寒偎石竇雲官閒知解脫心遠絕塵氛
山鳥引雛下崖窠受窰分物華正堪戀歸思已紛紛

蕪湖道中寄李侍御

三百五

溫州集卷一

五

炎暑如蒸身似泥孤舟眠過大江西月明長浦青山
隱水浸圓沙白鷺栖竹下行厨僧寺酒池邊分卧野
人堤相思無限別未意未得相逢為品題

次韻司馬通伯明遠樓對月

月上夜初寐窓虛樓倍明冷將金露氣遠重玉關情
碧樹千村合青山一髮橫居然人境別惟底句還清

又

樓隱月初上檻浮雲細生大江秋氣早獨夜旅魂清
龜弓山河影潮驚風雨敲仲宣詞賦好還擬獻蓬京

再宿冶父寺

了事癡兒行不前却來冶父息塵緣官閒身嬾便山
寺僧定日長如永年高閣冷含千嶂雨古苔荒帶一

溪烟淹留桑下浮屠忌四宿慚余未肯旋

北行道中次張地官韻

一官秋作客千里曉回裝月落天浮白霜餘葉墜黃
人閒榮辱少心遠詠歌長杯酒青山下那知塵世忙

次韻張地官對雨

連雨作風信頑陰苦客情濕隨秋葉下寒雲暮雲生
旅館逢長夜孤臣對短檠天明紅日上萬國覩新晴

南歸阻水

旅館春寒起較遲滿牕南日雪晴時旅魂應歷歷成
夢世事悠悠不可期百歲光陰忙自錯一官奔逐老
還癡河水莫阻南行棹到處雲山斗子規

客思

三百五

溫州集卷一

五

寒迫重裘曉更清宦情羈思坐來生眼前世事浮雲
過醉裏驚心獨鳥鳴夢入故鄉春社散愁懸旅館夜
燈明南歸久負梅花約忍聽東家笛裏聲

和合驛

孤艇飄飄浪打蓬客懷無奈酒杯空地偏西北關河
冷天近清明日夜風嘶柳塵埋春色點野塘冰火晚
潮通自憐十載驅馳意獨立長歌落照紅

宿青陽驛

市冷人家靜途長客思增夜潮舟浸月寒渡水流冰
破驛沉高岬疎林見遠燈空囊寒食近瀚海一浮僧

靜海驛

深夜驛途靜長河瀚海通舟明沉水月燈暗落潮風

曉色浮烟外春光欲雨中年年苦行役踪跡任飄蓬

聞蛙

犀舟歸日夜物說旅魂清晚樹鳥爭集春田蛙亂鳴
微雲澹新月殘角隱孤城繫纜驛樓下悠悠鼓二更
舟中有懷林待用

渺渺長波映遠空依依新柳颺春風相思人在青山
外盡日舟行細雨中汲黯身爲漢廷重杜陵詩到錦
城工天王明聖江湖遠贏得驅馳兩鬢蓬

夜經武城

古之武城在魯地今
東昌武城非舊跡也

春光過二月草色刺芳洲雨濕雲低卷風微水靜流
亂雲屯往路垂柳颺行舟聞漸武城近悲笳出戍樓

又

溫州集卷一

十一

苦雨還寒食行舟過武城幾回詢故老何代亂真名
古寺僧常在荒臺鳥自鳴悠悠懷往事春水坐來生

雨晴

雨晴雲散晚風柔野色烟光翠欲浮竟日波濤依岸
轉一天星月趁船流癡將世事春成夢老換年華雪
滿頭天地不私身自拙有人談笑覓封侯

濟寧

客棹一身渺歸程千里多寒雲挾疎雨穠水逝洪波
亭界短長道泉分南北河醉醒蓬底坐何處起漁歌
江浦道中憶吳中故人

回首江南思欲迷夢中談笑故人違不辭行役青山
笑但怪傳呼白鳥飛世態昔經多事悟宦情今入慕

年微何當載酒橫塘路扶醉村家看月歸

關領望滁

絕頂長途行木抄重盤空谷入雲深老夫已自離塵
想高世能忘濟物心春去名園千樹綠雨餘斜日半
山陰歸途漸覺滁陽近燈火遙遙生遠岑

野飲

行厨薄羅列僚友共徘徊心遠谿山靜酒酣風雨來
長林孤鳥沒近寺一僧回倚杖看城市黃埃漫作堆
京口公館東楊應寧

直沽大水

溫州集卷一

十一

新漲滔天茫不收哭聲老穉散田疇固知后土能兼
載卻使玄冥得橫流樓自柁中驚浪入人役林抄畏
行舟鳴荒既遠無神鳥遙向江湖望 帝州

沈歸德良臣見和再疊奉酬

秋雨冥冥晚乍收鳴蛙閣閣亂荒疇弱憐什柳隨風
舞靜愛行雲逐水流暑既有曹甘數馬官常爲客識
操舟歸途喜子詩頻慰節飯猶勝飽惠州

舟行與良臣相失良臣有詩次韻奉答

別我天津買畫舫暮雲橫射夕陽穿坐因有約常虛
左行爲無心誤向前新鷹斗空秋思集短篷驚雨夜
燈懸逢君夢裏分明話猶滯垂楊古渡邊

莊嚴寺避暑

野寺雲藏驛路偏暑尋僧引石牀眠碧含幽草簾櫳外涼送清風殿閣邊了事百年忙又錯養心一味靜猶憚終嫌車馬非真適欲解徵官謝世緣

舒城道中

老士官猶僕驅馳力強支雪深經日薄雲冷得春遲短褐過時敝愁顏覽鏡衰不堪遊息地行李又追隨

寺中春

野寺沉溪門半扃易聽睡起晚風輕雲開半壁夕陽出花落一庭春草生鳥掠池中得魚去鶴歸雲外傍僧行馬曹散吏真如隱只欠山田帶雨耕

校滄洲集有懷亨甫先生

幾度思君哭未休斷編殘墨手親哀可憐功業惟餘

溫州集卷一

此况復遺亡不盡收京國夜寒親雪館潞河秋雨並蘭舟牙已死誰余及拭淚山窓搔白頭

偶成

案牘塵堆手嬾拈病軀王事路還兼然灰已今初心冷嚼蔗方知晚境甜憂國無詩招杜甫閒情有賦識陶潛不須覽鏡知容貌白髮經愁日日添

還家十韻

中外驅馳二十年楚依桑梓息塵緣豈無薄祿終非計幸已還家莫問田歲久先廬從敝甚水邊喬木故依然過從喜有貧親戚檢理猶存舊簡編千載秋風三徑菊一篙春水五湖船飯抄雲子長腰米羹煮銀絲縮項鰻純屋溪聲林下樂滿窓花影日高眠晚於

世味駸駸淡靜覺閒居事事賢作計已遲多辱外收功能及未衰前只因今夜西齋夢不到紅雲北斗邊

邢長洲見顧贈詩次韻奉謝

寂寞城居恰似村一溪新漲護寒雲空嗟葵藿心如炙常佩芝蘭手自薰滿地江湖期我老大家風月許誰分歸來未遣門羅雀率馬時時枉使君

荷花蕩夜歸次吳水部德微韻

採芳日暮未言歸處處村家揜杼機水漫蓮洲愁路斷月明莎渚覺鷗飛高歌小海風波急回首橫塘烟火微蘭棹屢移樽屢倒不知露下已沾衣

陪李瑞卿太守登玄墓

衡湖高閣千山映繞寺長松一徑分偏喜故人來燕

溫州集卷一

集都教先雨洗塵氛江湖汗滂年俱老冠蓋從容酒半醺看遍梅花又歸去不知何日重論文

許墅別李子陽暮歸有感

野墅沉沉更漏絕美人去去隔山陰輕桡蕩月波光碎春樹連雲夜色深萬里秋風黃鵠舉五湖烟水白鷗沉乾坤此際元無礙出處從來各有心

送侶都憲

幾年宦海挹光塵今日離筵得覩親天地酒杯還舊約江湖舟楫正通津何人可寄安危事聖主方求社稷臣見說長安春爛熳江南猶有抱饑民

停雲館初成

屋西隙地舊生涯小室幽軒次第加久矣青山終老

願居然白板野人家百錢湖上輪奇石四季牆根樹
雜花儘有功名都置卻酒梧詩卷送年華

栽竹

帶雨移來玉數竿清風亭館散輕寒誰云君子遷喬
似我作僊人跨鳳看落日便能搖瑣碎殘年還待報
平安新稍細粉嬌瀟灑可忍題詩節下刊

陸全卿送牡丹栽

遠遣娉婷玉兩株古盆珍重護泥淤玉含粉黛春應
在紅孕丹砂蕊欲舒只就根莖知上品行看富貴貴
吾廬主人未絕分文愛有約還來酒不虛

會葵顧袁州

冷雨淒風塞暮冬故人埋玉萬山空百年歡好幽明
隔此日悲酸遠近同遙繼牛眠三世後新瞻鶴表五
湖東吟毫不逐飄塵散短些應歸疚月中

舟夜

終朝馳逐櫓聲乾酒盡孤舟短褐單田穢草黃年入
莫水明月白夜生寒老猶多事衰難任病既辭官賤
自安無限幽懷不成寐牀頭匣劍更須看

答趙訓夫書

緘書遠到思纏綿知我於今豈少年負國恩深愚
有死累人薦及老無緣馮唐卑下甘持戟元亮歸來
久廢絃爭使北山猿鶴怨荷鋤朝墾雨餘田

上疏辭溫

封章未剖心先畫坐主應憐祿可辭蓮社久從元亮

飲草塘不夢惠連詩青雲北闕空成戀白髮東甌
負所思祇有春愁不相放冷風吹雨畫絲絲

述懷

閉戶無端髻亦絲尋梅有夢覺方知嬾揮塵案書高
傾喜展風簾鳥下窺兩月春陰愁共結百年身世老
難支微酣坐睡似入定夕卧拜官如出師私景畫牛
心獨遠龜蒙家養鳥性還癡且便東郭田常稔肯使北
山文更移鄉味已甘菰米飯舊遊空憶草塘詩從渠
曉過還定自我悲歡佳可推獨鶴於人亦何有閒
姓澗步鎖相隨

辭溫不得請

八裝傀儡出排場金帶緋袍老逞強槁木竟為明所
驚駭貽端畏道初長一行作吏聞都廢三徑無人菊
荒從此青山勞夢想黃塵東下海茫茫

赴溫留別停雲館

書館不能別凝情撫曲欄心知為樂淺祇覺去家難
水石性終在菊松盟又寒殷勤向兒子好護碧琅玕

入隆

才入隆中便覺奇兩崖合璧水連漪頻回雙目詩難
就兀坐孤舟山自移斷送客懷須放醉了還公事未
全癡釣臺元元烟霄外慚愧重來兩鬢絲

蘭溪道中

清溪曲折路全迷水鳥翩翩去復棲雜樹帶烟蒙塢
密溫雲釀雨壓船低山搖舞袖青垂隴畔效堆糧黃